



Concello do Porriño
Concellería de Cultura




biblioteca
municipal
do porriño

ACOMPañANDO NA AVENTURA DE CRECER

XORNADAS PARA FAMILIAS E PROFESIONAIS

2ª EDICIÓN



**VEN 14
ABRIL /
16H00**

**//////////////////// Obradoiro con inscrición previa
COMUNICACIÓN NO CONFLICTO**

**VEN 14
ABRIL /
19H00**

**//////////////////// Conferencia
POR QUE LLE DOE A TRIPA?**

**VEN 21
ABRIL /
16H00**

**//////////////////// Obradoiro con inscrición previa
CRE EN TI PARA CREAR**

**VEN 21
ABRIL /
19H00**

**//////////////////// Conferencia
AXÚDALLES A VER O QUE OUTROS NON VEN**

**VEN 28
ABRIL /
16H00**

**//////////////////// Obradoiro con inscrición previa
ACOMPAAÑANDO DESDE O RESPECTO**

**VEN 28
ABRIL /
19H00**

**//////////////////// Conferencia
O CONTO COMO FERRAMENTA PARA ABORDAR
DIFICULTADES DO PROCESAMENTO SENSORIAL**

ACOMPANANDO NA AVENTURA DE CRECER

Aproveitando a boa acollida que tivo este proxecto, impulsado durante o ano 2022 pola Concellería de Cultura e Igualdade do Porriño, a través da Biblioteca Municipal, apostouse por unha nova edición deste ciclo de xornadas para seguirlle achegando e divulgando información á sociedade adulta, a responsable de guiar e acompañar a nosa infancia.

Coma na anterior edición, as diferentes perspectivas abordaranse desde a oportunidade e o desafío que supón entender mellor o desenvolvemento do cerebro infantil e cal é o noso papel como cuidadores/as, sexamos as súas figuras referentes ou as persoas que atendemos as súas necesidades en momentos puntuais. Porque o noso modo de estar presentes, de crear oportunidades e acompañalos/as no seu camiño así coma o modo no que nos comunicamos condiciónaos/as.

Nesta ocasión, vólvese apostar por diferentes perfís profesionais para afondar no campo da comunicación, o procesamento sensorial e a aprendizaxe.

Como novidade, nesta edición desenvolverase antes de cada conferencia, un obradoiro práctico onde se darán e proporán ferramentas prácticas e útiles para aplicar cada día coa conciencia e co propósito de favorecer un bo desenvolvemento infantil. Estes obradoiros levaranse a cabo en grupos reducidos e requirirán inscrición previa no seguinte correo electrónico: biblioteca@oporrino.org

Os relatorios son abertos a todo o público sen necesidade de inscrición.

////////////////// OBRADOIRO COMUNICACIÓN NO CONFLITO

VENRES 14 ABRIL //////////////////////
DE 16 A 18:30 H //// con inscrición previa //
CENTRO CULTURAL MUNICIPAL /

O conflito é unha realidade en calquera relación, familiar, educativa...

O conflito pode levarnos a un muro separador ou pode ser unha oportunidade para a transformación e o crecemento.

Como nos comunicamos no conflito determinará o que suceda.

Neste obradoiro, dirixido a nais, pais e profesionais do ámbito educativo e da saúde, aprenderemos as claves emocionais e comunicativas necesarias para aprender a manexar conflitos e convertelos nunha oportunidade.

////////////////// CONFERENCIA POR QUE LLE DOE A TRIPA?

VENRES 14 ABRIL //////////////////////
ÁS 19 H //////////////////////
CENTRO CULTURAL MUNICIPAL /

Claves para entender o comportamento dos/das nenos/as.

Dirixida a nais, pais e profesionais do ámbito da saúde e da educación. Nesta charla desenvolveremos as claves para entender o que nos están expresando os/as nenos/as co seu comportamento e como poder abordar, dunha maneira máis adecuada, as necesidades que están a manifestar.

relatora



Psicóloga sanitaria, formadora e psicoterapeuta Clínico EMDR por EMDR Europa. É experta en desenvolvemento, apego e trauma.

Desde 2004 exerce de psicoterapeuta nun gabinete privado e ten colaborado con Escuela de familias. Na súa traxectoria, tamén traballou en dispositivos públicos de atención social e a familias e en programas de acollemento e adopción, como orientadora en centros educativos e profesora universitaria.

Na actualidade continúa desenvolvendo a súa paixón como psicoterapeuta, é formadora de profesionais do ámbito sanitario e educativo e colabora en equipos multidisciplinares de atención infantil.

É coautora do libro *El desafío de crecer* (Aurum Volatile, 2020) xunto con Iñaki Pastor e Lucila To.

Gloria González

////////////////// OBRADOIRO

CRE EN TI PARA CREAR

VENRES 21 ABRIL //////////////////////
DE 16 A 18:30 H //// con inscrición previa //
CENTRO CULTURAL MUNICIPAL /

Centrarase nos alicerces básicos do pensamento creativo e nas súas múltiples posibilidades, tanto dentro da aula coma no fogar, mediante dinámicas e exercicios prácticos que axudarán a percibir que a creatividade e o pensamento creativo son un medio para chegar a máis nenos e nenas, para darlle espazo, oportunidade e, sobre todo, para eliminar as respostas únicas.

O obxectivo será reflexionar xuntos sobre esta realidade e eliminar certos tópicos como: “sempre o fixemos así” ou “iso é a teoría, pero a práctica é outra cousa”.

////////////////// CONFERENCIA

AXÚDALLES A VER O QUE OUTROS NON VEN

VENRES 21 ABRIL //////////////////////
ÁS 19 H //////////////////////
CENTRO CULTURAL MUNICIPAL /

Na conferencia asentaranse as bases do pensamento creativo, necesario para ter unha idea clara de todo o que iso engloba e así pornos en marcha. “Para defender algo primeiro hai que manchar as mans”.

relatora

Patricia García Figueroa (Trazos Class)



Mestra, psicopedagoga e defensora da creatividade.

Emprendeu co seu fogar educativo hai nove anos en Redondela. Día a día pon o seu gran de area para axudar, cada tarde, no rendemento e dificultades académicas do seu alumnado, achegando nas súas clases pensamento creativo e recursos que ela mesma crea. Desde hai nove anos combina este esforzo e traballo diario en tentar chegar aos obxectivos mínimos académicos co desenvolvemento de proxectos temáticos, baixo o escenario e pequenos decorados e usando como medio de creación a reciclaxe para crear, así, alumnos e alumnas con criterio propio e capacidade de reflexión e decisión.

Actualmente participa en formacións para o profesorado, en congresos e centros escolares. Creou o seu espazo virtual hai seis anos como ferramenta para chegar a máis amantes da educación e mostrar a súa visión da educación cos seus erros e acertos.

Recentemente publicou o seu primeiro libro Cree en ti para crear: Manual sobre el pensamiento creativo, dirixido a todas aquelas persoas con gana de reflexionar sobre este tema tan necesario: a creatividade.

////////////////// OBRADOIRO ACOMPANANDO DESDE O RESPECTO

VENRES 28 ABRIL //////////////////////
DE 16 A 18:30 H //// con inscrición previa //
CENTRO CULTURAL MUNICIPAL /

A miúdo afloran interrogantes que nos fan dubidar das nosas capacidades para superar adecuadamente as dificultades que se nos presentan no día a día. Este obradoiro ofrece recursos para acompañar a nosa infancia con bases sólidas para unha boa saúde mental.

Obradoiro vivencial destinado a familias e profesionais que queiran gozar dos seus roles, desde a seguridade e tranquilidade, para favorecer o crecemento saudable da infancia a través de ferramentas como a disciplina positiva, entre outras. Trataranse temas como: a comprensión do cerebro e as emocións, as ferramentas para o día a día, a xestión de rabechas e que facer nos momentos difíciles.

////////////////// CONFERENCIA O CONTO COMO FERRAMENTA PARA ABORDAR DIFICULTADES DO PROCESAMENTO SENSORIAL

VENRES 28 ABRIL //////////////////////
ÁS 19 H //////////////////////
CENTRO CULTURAL MUNICIPAL /

A través desta formación poderás coñecer o proxecto Infancia M&P da man das súas propias creadoras.

Mergullarémonos no mundo da integración sensorial, resolveremos casos prácticos, abordaremos a importancia do conto como recurso e coñeceremos contos sobre integración sensorial.

relatoras

Marta e Paula (Infancia Meirch&Peich)



Creatoras do proxecto INFANCIAM&P, cuxo obxectivo é ofrecer ferramentas útiles para a comprensión, educación e crianza de nenos e nenas, a través do que queren emprender unha grande aventura a través da que achegar o seu gran de area para construír un mundo máis inclusivo e respectuoso.

Marta Pérez Álvarez

Terapeuta Ocupacional no SERGAS e musicoterapeuta.

Educadora de Disciplina positiva para familias.

Rematando un grao en Psicoloxía.

Terapeuta de enfoque sistémico e integrador especialista en Trauma.

Paula Madrid Martínez

Terapeuta Ocupacional no SERGAS.

Certificada en Integración Sensorial Ayres®

Máster en Coidados da Saúde para a Promoción da Autonomía Persoal.

Máster para o Profesorado.

coordinadora

Laura Alonso Coto



Óptico-optometrista con formación de posgrao en Optometría clínica e Terapia visual. Ampla e continua formación no ámbito do desenvolvemento infantil, así como asistente e relatora en diferentes cursos do ámbito nacional e internacional.

Socia clínica de SIODEC (Sociedade Internacional de Optometría do Desenvolvemento e o Comportamento) sociedade que representa o seu enfoque profesional e de acompañamento das persoas, socia voluntaria de “Abre sus ojos”, con quen colabora nos programas de avaliación a pacientes con discapacidade intelectual e necesidades visuais, así como de “Ocularis ONGD”, asociación que forma profesionais do ámbito da saúde visual en diferentes países de África.

Actualmente é profesora da “Asociación Española de Optometristas Unidos” impartindo cursos para optometristas e dirixe a súa propia consulta de optometría na clínica “Sastre & Rojo” (Vigo).

A súa paixón e experiencia persoal, así coma a súa traxectoria profesional, fai que sinta a necesidade de traballar en equipos interdisciplinarios e coordinar ou impartir cursos e obradoiros de divulgación e prevención visual, entre outros temas do ámbito da saúde e da educación social.

Xa o sabes, garda na túa axenda os tres últimos venres de abril de 2023! Non o esquezas, ás 16:00 h os obradoiros e ás 19:00 h as conferencias no Centro Cultural Municipal.

CORREO ELECTRÓNICO

biblioteca@oporrino.org (para inscricións).

SERVIZO DE ACOMPAÑAMENTO INFANTIL

Durante o tempo da charla contaremos con persoal para acompañar as vosas crianzas e aproveitar para mostrarlles o fondo bibliográfico da biblioteca municipal.



Concello do Porriño
Concellería de Cultura



biblioteca
municipal
do porriño

A túa
biblioteca 

